



# LISTA PLAN DI ESKAPE PA KAS

1

## DEFINÍ SALIDA KU POR USA NA MOMENTU DI UN KANDELA



Palabra kua ta e ruta prinsipal di eskape i tambe ruta alternativo. Esaki ta dependé si na unda e kandela ta. Pinta bo ruta di eskape i kologá esaki na un kaminda sentral.

2

## SALIDA LIBER DI OPSTÁKULO



Un bista di posibel opstákulonan; kòrtina, banki òf kashi, yená ku artikulo, pone dilanti di bentana òf kisas vários kos den trapi ku ta forma un opstáculo. Purba algun bes na hasi ehersisio di e ruta di eskape aki wowo sera.

4

## PONE YABI NAN NA UN PUNTO SENTRAL



Yabinan mester ta pone na un punto sentral ku ta fásil pa haña na momentu di un emergensia. Sea den skal di fruta, un hak na porta, òf un kaminda skondi, pero ku a ser palabra ku tur hende di kas. Durante di kandela buska yabi pa por sali ta loke niun hende ke.

3

## TUR KOS TA KLA PREPARÁ PA POR SALI FOR DI KAS



Na momentu ku algu inesperá sosodé, tin diferente produkto i materialnan ku por yuda bo sali bo kas mas lihé posibel. Kiko bo a pensa di un trapi di emergensia òf tambe ekiponan pa yuda bo sali via di bo bentana mas lihé? Palabra un kaminda sentral ku boso ta pone e materialnan i hasi ehersisio ku esaki.

5

## CHECK BO PROPIO SITUASHON



Ningun situashon no ta meskos, esaki ta konta tambe pa bo plan di eskape. Kontrolá ku un lista ta yuda pa traha un bon plan di eskape. Si ta rekerí un konseho òf bo tin pregunta, puntra konseho serka un preventista kontra kandela.

6

## DELINEA KEN TA SÒRU PA KEN



Palabra adelantá ku tur miembro di famia na momentu ku un kandela surgi, ken ta sòru pa kua mucha, demas miembronan di famia òf tambe bestianan di kas.

8

## LUGÁ DI REUNÍ



Hasi palabrashon ku tur miembro di famia ora algu sosodé na unda ta e lugá pa reuni. Ta importante pa yama 911 mesora pa asistencia di Kuerpo di Bombero Kòrsou.

7

## TUR PERSONA SA KIKO PA HASI ORA DI KANDELA



Check tur konseho ariba mensioná. Sòru pa si tin un kandela, bo keda mas abou posibel di flur, paso huma ta bai ariba. No usa left nunca. Tene porta i bentana sera.

## HASI EHERSISIO KU BO PLAN DI ESKAPE

Ku tur e ocho puntonan aki bo ta krea i hasi palabrashonnan kla pa e momentu ku nos niun no ta deseá pa pasa. Hasi ehersisio regular ku bo plan di eskape i kontrolá tambe si artikulonnan di importansia pa eskape ta pone na un lugá sentral.

## TEP: KEDA TRANKIL

Kisas esaki ta e kos di mas importante na momentu di un kandela. Purba keda mas trankil posibel. Esaki ta yuda bo pa pensa mihó riba por ehèmpel palabrashonnan hasi den e plan di eskape.